



其間瓜綿瓞延代有名人炳彪古今奚俟贅言惟觀  
茲新編體例宛如先賢式尤見楮墨之妙而系傳誌  
載又皆核實詳慎洵成大觀師之爲功固多而諸君  
贊勩之力亦復不少也余見風俗之淳因而卜人物  
蔚興之兆今讀譜傳尤知祖德積累之深奚不可  
預賀子孫藍玉之盛諸君委余序余非敢任斯職者  
第誼無可辭隨書所見聞者以答殊覺貽笑大雅  
諸君其爲余諒之

肯

道光丙戌十月之望越有八日

浣東樓寅拜言

家長

士品

士魁

士法

東臯

董事

貴如

元愷

國榮

榮斐


國朝

總理

錦如

督修

德政



暨陽鄭氏宗譜自錄

卷一

序

鄭氏重修宗譜序

鄭氏家譜引

鄭氏家譜序

榮陽鄭氏總序

暨陽鄭氏譜序

鄭氏重修譜引

榮陽鄭氏重修譜叙

俞河清樓

何邦寧

繼芳


文天祥

恂

怡

桂錦

張大乾



暨陽鄭氏宗譜自錄

鄭氏重修宗譜闕疑序

暨陽鄭氏宗譜序

鄭氏重修宗譜序

鄭氏重修宗譜序  
凡例十五則

宋故工部尚書鄭公墓誌銘

宋故翰林侍讀鄭公墓誌銘

故吏部員外郎鄭公墓誌銘

故御史中丞鄭公墓誌銘

中孝公傳

南六公合葬墓誌

張大乾

石連

徐應才

樓寅

寇準

張浚

蔡沈

王爚

真

序

百歲公文

經吾先生行狀

顯慶菴方廿二公序

文英公傳

名九公傳

名三十六公序

秉常公傳

賓華公傳

甲山宋彥鄭君傳

鄭克榮公行畧并贊

唐九經

孫允升

周世則

張大乾

士芳

張大乾

張大乾

邊景垣

張大乾

張大乾

修譜紀名贊

魁宇公傳

開先公傳

宗賢公傳

斐然公傳

斗文公傳

夏氏貞節傳

鄺孺人傳

振三十四東美公傳

鄭公貴長傳

石漣

石允耕

惠化南

楊惟信

石濱

楊嘉

唐九經

石峯

徐應才

王鴻漸

序

振五十二公傳

振七十四公傳

士貴公行述

士林公傳

毓青東尚公傳

鏡塘榮華公傳

鏡如公行述

崇銓公傳  
捐資輯譜記

卷二

王鴻漸

黃琮

王宇清


徐應才

邊占熊

邊占熊

王鏞

王東菴  
佳琰





系圖小引

系圖

卷三

行傳小引

行傳貴字至高字

卷四

行傳振字至思字

6

序



鄭氏重修宗譜序


伊川先生曰管攝天下人心厚風俗須明譜牒譜之所關重矣李唐而上屬於官趙宋而降屬於家故今故家遺俗莫不有譜浦江麟溪鄭氏號稱義門匪直其家法之善亦由於譜系之明耳夫譜原爲後世設也至於廢缺而不修則俗將安所底也諸全鄭暨山公悼末俗之弊慨慕義門謂麟溪有義門而浣江獨不可有義門乎於是出譜請余修之余忘其謏劣而不辭旣成返於主人而謝曰是譜也報本親親之義具是焉脈絡分明燦然可知苟知所自出而不能報

本知所由分而不能親親將焉用譜今日續而修之  
可以繼麟溪而流譽於斯地也其功豈淺鮮哉夫是  
以序

皆

萬歷戊子十二月十二日

同邑何邦寧撰




鄭氏家譜引

滎陽鄭氏本周孝王之孫封於鄭子孫以國爲氏平  
王時徙溱洧謂之新鄭傳二十世有諱莊者漢武帝  
朝爲大司農子子真耕於谷名震京師成帝時三聘  
不起清風高節足以激貪勵俗近古逸民也子真生  
寬中封關內侯其弟崇拜尙書僕射崇子興興子衆  
受左氏春秋永平初以明經爲給事中使匈奴持節  
不屈衆之仲父吉徙會稽累官衛司馬爲西域都護  
以功封安遠侯吉子宏隱山陰之若耶溪元和初亦  
拜太尉成康者衆之曾孫也西學於馬融註六經三

史建平熹平間屢薦不就子益恩生純純生蠡蠡生  
秉輝四世接踵爲御史中丞秉輝之曾孫道昭者仕  
魏爲兗州刺史徙居河東齊梁隋唐之間縉紳輩出  
代不乏賢父子兄弟聯韉步武繼牧一郡而有大鄭  
小鄭之謠丞相兩朝而分南鄭北鄭之第其餘職列  
清要官居部臺者不可勝數河東望族未能或之先  
也迨我朝人文愈盛闕閱聯門而家聲益爲之大振  
然宗支繁衍散處四方有自河東而徙居於冀北閩  
南者有自閩南而徙居於會稽山陰者亦有隨爵而  
流寓於山陝雲楚之下亦有避名而隱居於金衢寧

處之間及隨駕南渡而越之有鄭吏部侍郎公崇政  
 殿學士公也家譜散逸不相聯合久矣吾父西石翁  
 拳匕於此命繼芳過處州謀於族叔虛窻先生先生  
 命二子滁孫陶孫檢故笥中得家乘畧數紙芳持而  
 適浦江又得二十一世祖冲素處士手澤若干卷於  
 是遡河東之派北走於冀南走於閩會叙詢合作爲  
 譜乘止以河東始遷之祖爲一世而不濫及前者從  
 切實也終於吾姪輩凡二十五世以待綿繩於遠者  
 隆後嗣也非近遷不書其葬者杜荒唐也有爵書享  
 年有德則書壽貴貴尊賢意也圖以第世次別長幼



序昭穆也像以遺後世不忍死其親也繼之以遺文  
行狀備參考也使吾之子孫雖各居異處展卷之際  
庶幾名分不紊稱呼有叙慶弔可通而於尊祖敬宗  
之義未必不無小補云

皆

咸淳六年八月己卯

元孫 繼芳謹撰


*[Faint bleed-through text from the reverse side of the page]*

鄭氏家譜序

五峯鄭先生以其家乘見示且曰此翰林公繼芳之所手編也君與吾弟同官二十年可無一言以白其心乎余得而觀之有以知鄭氏世澤之厚闕閱之來久矣刺史公始遷於河東四世百二十年之間聯官累爵遂成著姓自河東而徙於閩浙者歷隋唐而下咸克大其有家至我朝英雄迭起有父子同朝而官居上相有兄弟同榜而職列亞卿有擅刑政而澤被斯民有事文學而功垂翰苑文人益盛於當時家聲大振於前世而江南望族以王謝鄭爲首稱也翰



林公以宗支繁衍推所及知乃以刺史公為始祖下  
 逮所見載二十五之孫以傳信於後不可謂不慎矣  
 夫氏族所記史官職也秦人滅學公侯子孫失其世  
 系至太史公始約世本修史記明世家而姓氏始明  
 六朝至隋皆具譜學唐太宗命諸儒撰族氏志甄別  
 羣姓其後門胄興替靡常復詔岑文本等以天下譜  
 牒叅攷史傳檢會真偽合三百九十三姓千六百五  
 十一家河東鄭氏固其一也其後聲名文物之懿繩  
 繩弗替以迄於今要亦譜牒有以啓之耶吾友翰林  
 公拳拳於此豈為是歟特恐昭穆失序而稱呼亂分



印

宗族廢倫而慶弔不通所以厚彝倫而篤親義尊祖  
敬宗之盛心也且其書法之善製作之精可以傳之  
萬世而無弊予復何言惟鄭氏子孫千百世之下當  
以翰林公之心爲心底幾無忝厥祖而益保宗祀於  
不替也此予之所以爲序

皆

景炎二年二月己酉


文天祥撰



印

榮陽鄭氏總序

榮陽鄭氏本周宣王封弟友於榮陽國號鄭是爲垣



公原姬姓因秦滅姬以國爲氏始鄭姓遷溱洧今河南開封府是也至道昭仕北魏爲兗州刺史遷河東爲河東始祖宋譜以河東始祖爲第一世今遵宋譜焉越八世綱相唐徙居閩爲福建始祖而暨陽之世系本諸此也十世翰林學士熙唐明宗時貶知處州因家麗水縣梅山爲處州始祖又十世寧武伯秘鎮山西十一世蒲州刺史珙亦入山西俱家焉十三世大綸爲大理卿出知金華府遂家浦江爲義門始祖

至九世同居時綸之八世孫諱昭者始也十四世符  
征遼西封西鎮侯韜同鎮遼西封武威將軍俱家焉  
十七世師賢爲遼西節度使弟師儒隨之亦家焉青  
州刺史齡石居山東十七世俠之子穆爲越郡尹除  
鑑湖稅越民懷焉詣闕請畱家山陰葬梅里尖爲山  
陰始祖十九世叅知政事惇金部郎恩永同南度徙  
會稽爲會稽始祖惟忠孝公獬隨駕南渡羈寓山陰  
之若耶谿命其孫郡馬公尙卜居至諸全而家焉實  
則始於河東繼由閩來自閩之十一世卽河東之二  
十世而暨陽之來在此時也廿一世兵部郎一明遷

會稽吏部郎一元遷蕭山衆派俱自閩來惟遼西三  
支山東一支本舊居河東耳我暨陽首貴一爲第一  
世二世福二入餘姚三世壽九遷江西四世祿五居  
金鷄山五世兆五居太南越九世永世九之子諱澗  
遷烏程十世南一居街亭南二居象路南三居趙馬  
嶺我南六世祖居南門至於恂十一世矣夫衆支羣  
派俱本河東但各省府郡不能編載宋郡馬公所葺  
惟於福建之分支與金紹處三府彙成一譜最爲詳  
晰明初燹失萬難繼續故自閩三世祖以迄高祖興  
九公之續修祇以滴派親支使前後瓜瓞毋相紊淆

而已今又值變革之餘井隔煙遙星分棋錯不能生  
同方處同域而稱謂之間茫然靡定恂特與兄嘉弟  
怡追高祖之遺留互相攷訂次第蟬聯庶幾會合燕  
酌不失尊尊親親之世澤歟

皆

康熙己未林鐘月朔

四十一世孫 恂撰

金嶽山正朔... 文山東... 曾... 文... 山... 白... 四... 三

暨陽鄭氏譜序

河東刺史公道昭之裔八世孫綏遷入閩七南域也  
暨陽之派宗於閩又曰從南渡來說不幾謬乎不知  
郡馬公尚爲宗室親居京師隨駕入南實閩人而南  
渡者也獨攷府丞公眞運判公銓及百歲公鸞三葺  
譜牒叙郡馬公爲暨陽始祖而行第又以郡馬公之  
祖忠孝公列爲始遷暨陽之祖則滋人之疑者實在  
於此質諸父兄咸曰郡馬公年方壯奉忠孝公命卜  
居至暨陽見山水之勝而家焉時三世具慶也跡其  
由惟郡馬公先入暨陽後迎祖彌故祖郡馬公爲其



先入也宜也若始忠孝公則又爲其在生而設無不  
宜也然則人可二祖乎先人所垂未敢妄議但不能  
適釋然於懷者祭祀之時郡馬公居不祧之位則忠孝  
公之靈不得而與有祖之名而無其實非理也如以  
忠孝公爲不祧則郡馬公又爲可祧之祖先設位而  
後更易又屬不忍然則同設而合祭歟忠孝公固當  
爲不祧之祖郡馬公終不可爲祔食之孫二者交戰  
未定俱出兩難姑俟將來可也若云筆墨之操怡與  
兄恂嘉將舊簡遺編蒐羅考訂溯委追源殘者補失  
者續先後次第開卷瞭然而於孝思之心不亦可快

印

然無憾乎然其間之精微曲折亦自有學而非淺見  
寡聞者所得與欲求其盡善盡美而無復可議以俟  
後來之君子為之潤飾焉

昔

康熙歲次己未桂月上浣之日

四十一世孫 怡撰

程易即元宗普

序


Faint bleed-through text from the reverse side of the page, including characters like '皇陽集' and '目錄'.



印

鄭氏重修譜引

夫大宗小宗之法先王所以序天倫收人心明教化  
敦倫紀者也由漢以下宗法廢而門第盛於是譜牒  
興焉族之有譜其猶宗法之遺意也近代之有譜者  
其法有二制各不同本之歐陽則世經人緯而法若  
近於史氏之年表也本之蘇氏則系聯派屬而爲若  
家禮之宗周也然本其所自出則尊尊之義明而別  
其所由分則親親之道立制雖不同其用則一而二  
法莫過乎尊尊親親之義也尊其所出本乎一氣親  
其所分本乎一理夫豈有一氣而二理也耶人之立



姓始於一人而散之千萬正猷一本萬殊之意也嗟  
今之族見其常有顯者則曰世家而爭相附焉見其  
無有達者則曰下族皆從而賤之不知本乎一氣出  
乎一姓但氣習之分而有所異耳古人所謂有賢人  
無賢族有貴人無族正此意也紹興之浣溪鄭君名  
銓字良王者率諸弟侄輩以世不一之書請予續編  
予檢所自有不勝其感歎者矣余故不辭其請而續  
復為之序俾鄭氏之後生者以是為繼繼繩繩守之  
而勿失焉可也


肯

印

宏治十八年龍集乙丑三月朔

慈谿桂錦宗素書於浣江精舍

雍正九年歲次辛亥菊月錄



皇朝通志卷之六十四

卷之六十四

卷首十八  
平新  
卷首五十三  
...



榮陽鄭氏重修宗譜序

榮陽鄭氏暨之望族也自郡馬公尚創業垂統歷今  
二十餘世子孫之蕃衍居住之星散不可勝紀欲聯  
而合之難矣然其初則皆本於我祖一人所自出也  
以一人之所出者分而至於千萬人之衆是不可不  
有以聯之其何以聯之聯之以譜也夫譜之重於天  
下也尚矣前人創之而後人承之易易耳要必有以  
善其所承而始克有以全其所創是譜不徒貴有以  
作之而又貴有以修之考鄭氏世系自府丞公真至  
百歲公鸞已三輯譜矣而已未一修越今又五十餘



載其中之殘缺失次不堪寓目有志者不禁撫遺編而悼歎對先霖靈而歛歔也庚戌之歲余館於甲山友人諱思灝者嘗有志於集譜屢以事問余余敬謝不敏而吾友亦於是夏四月卒次歲辛亥春其族慨然念先人之德糾合同志以共襄厥事而復來強余纂修辭之不得殫數月之精神竭半載之心思所謂殘缺者補矣失次者序矣煌煌乎燦然其可觀也以視舊譜爲何如蓋天地間莫不有本萬物生於天人生於祖祖也者人之本也求其本而培植之則雖千百世以上千百世以下可歡然笑語於一堂而何患乎


疎者之不可親遠者之不可近也孟子曰天之高也  
星辰之遠也苟求其故千歲之日至可坐而定也則  
人之於祖寧有不可追而求之乎且先人之事業功  
德爲於前者欲有傳於後而子孫弗克世守其業恢  
宏其制其何以慰先人於地下乎使後有賢能之士  
起而纘承其緒不又慮考據之無由乎是彼其人而  
於祖宗則爲不孝於子孫則爲不慈此皆由於譜之  
不修故耳甚矣譜之不可不修也今者鄭之諸執事  
惕然有見於此而以修譜爲念其亦知所本矣然吾  
猶有望焉戶敦孝悌家誦詩書禮義之風煥然日新



印

鄭氏重修宗譜闕疑序

或問於予曰譜何爲而作也曰譜以敦一家之所首重者也曰曷爲而又修之也曰有譜而不知所修則親疎罔辨尊卑失倫雖同祖共宗之所出視爲途人而漠不相關者有也故朱子有云人家三代不修譜則爲不孝曰然則譜也者一家之書而非天下大共之書曰譜誠一家之書而亦有其說圖以別親疎行以序尊卑二者並行而不可偏廢其事重其義嚴凡詩文序傳以表德行者或列於篇首或列於行下一字之褒榮於華袞一字之貶辱於鈇鉞家



譜猶國史不可不慎而其立法有春秋之微意也鄭氏至今凡四十五世前河東二十世簪纓繼起盛難爲再第二十世貴一公諱獬仁宗朝忠孝狀元卽暨陽第一世始祖也徙居各府州郡者遠不相聯而惟於支嫡派親者合而一之第十一世寶四公之子南一居街亭南二居象路南三居趙馬嶺而其祖南六則居南門今則由南門而又散居於各鄉矣十六世和二居附二都十八世宗十五居火燒王之石柱塘頭十九世愷十八居突頭頂愷廿二居甲山廿一世名九則由甲山而居石<sub>渚</sub>廟之楊村此皆同祖一本

印

之所出也惟十二世南八之子相傳居鄭家園不相  
通譜久矣今溪西一派其後裔也復會而歸之不可  
謂非反本思親之一念也特是譜取其詳不貴其畧  
所以傳信非以滋疑鄭氏自貴一公以至宗字第凡  
十有八世其間之生卒死葬嫁娶婚配與遷徙居處  
概不詳載且僅有行傳而無系圖是猷裘之無領網  
之無綱也嗚呼裘無領尚可以爲裘乎網無綱尚可  
以爲網乎何其畧而不詳疑而難信如此乃詢而知  
爲其族恂孺先生同弟怡如先生所作也夫恂孺昆  
仲二先生博學宏通夙號名儒豈於譜有未精其叙

而不詳者非畧也大約兵燹之後自多散失之患其  
不敢以臆見妄爲增損者慎之道也余今日殫精竭  
慮立爲系圖別成一帙則支派條晰瞭若指掌前河  
東二十世之名人傑士并墓誌序贊俱補入於前以  
備叅考而惟生卒死葬則仍其譜而不自假飾者亦  
不過慎其所慎而已要之世遠年湮祖父之傳聞已  
失子孫之考據無由我亦爲其所可爲而不強知其  
所不可知也昔夫子有云述而不作又曰蓋有不知  
而作之者我無是也大聖且不敢作而我其可妄作  
以貽譏於後人乎亦惟於其所作者述之而已使不

印

知者而可以作之則不然恂孺昆仲二先生豈不能粉飾  
 摭拾立為成書以贍觀瞻其不先我而為之者夫亦  
 可思其故矣闕其疑正以傳其所信存其畧正以嚴  
 其所詳苟不能反覆審度而率意妄作是欲以尊祖  
 者誣祖也其得為孝乎余於是學雖不能探精窺奧  
 而一本九族之誼親疎尊卑之倫自井然不紊一展  
 卷而竊喜為無遺矣若以為未也則請觀之舊譜

皆

雍正九年歲次辛亥菊月上浣日

柏溪張大乾撰





印

鄭氏重修宗譜序

稽之禮親親之道以三而五釋之者曰自吾而父自

吾而子則三又自父推之以至於祖子推之以至於

孫則五此以三而五之說也以五而九釋之者曰自

吾而祖自吾而孫則吾又自祖推之以至於高祖孫


推之以至於元孫則九此以五而九之說也諸暨鄭

氏自壽七公由南渡來遷陶朱鄉於今繼五百餘年

而衣冠蟬聯殷蕃日盛誠鄭著姓也第星散村落者不

可牧舉雍正辛亥間賓華公纂輯譜事以聯之其金

雞山一派與太南一派各不與也今三十餘年不復




皇陽集上卷言  
有人焉以合之歲己丑石柱塘鄭佳璇公慮之深矣  
請於房之尊長佳瓊甫宏舒甫宏基甫邀同姪輩士  
芳士鰲各登其事而纂葺焉延余友弟諸生惠化南  
石周學相爲釐訂校梓亦旣詳盡無遺矣考突頭頂  
與甲山石柱塘石芝廟之楊邨茅草山附二都皆出  
自南六公後咸從南薰門遷移南三公居趙馬嶺舊  
譜詳載之蓋禮以服言服有窮故止於九示節也譜  
爲恩誼設恩誼無窮故不以時代言明厚也今自貴  
一公遞而下之於世雖遠於恩誼未盡如有遺焉其  
如親親之道何譜成丐余序其首如是云爾

印

昔


大清乾隆三十四年歲次己丑大呂月全浣之吉

孝廉清成氏石漣頓首拜撰



90


大德... 三十四... 卷首... 皇陽集上卷首



印

重修鄭氏宗譜序

人何由而生乎性治於天形受於祖考天固一大祖  
 考也祖考又人人之各一其天也為人子孫忘祖考  
 而并忘祖考之所自出豈不醜然人面也哉故後之  
 人不獲親見前人瞻其像讀其書鏡其行事一展卷  
 而瞭如指掌者其家乘乎其制創自周官由鼻祖以  
 迨耳孫服止於九示節焉相傳而下血脉流通雖千  
 百世之遙不至視骨月為路人者譜之力為最暨陽  
 鄭氏邑推望族自忠孝狀元貴一公始遷諸全凡數  
 十傳至南三公居趙馬嶺南六公居南門今之卜居



聖易部  
 卷之六  
 序

八端堂

甲山突頭頂石柱塘石渚廟之楊村茅草山附二都  
皆其後焉其閒瓜綿瓞延代有名人良田嘉穀廣淵  
美鮪氣固類應哉余與鄭氏東美公夙締姻好知之  
頗悉今秋延邑中文斗張先生重輯宗譜數月工將  
竣族尊大鼎軼範宏儒士貴洎董事東里士林華國  
爾安創遠元愷諸君問叙於余固請勿獲辭披閱舊  
卷悉心校對而知來自南薰門散居各鄉大宗小宗  
條分縷晰張石諸公已詳之矣又何贅焉獨計百代  
精神井井載籍則采摭務錄其實揚厲不至於穢不  
虛美不隱惡斯有以慰先人在天之靈而愜雲礽不

匱之慕耳且也同氣連枝中振振俊髦雲蒸霞舉將  
以羔雁之資賁其質綸綍之音揚其休設一人操觚  
而議其後將若之何余以是質之張君張君曰唯唯  
否否余遂輾然而序之嗚呼家乘之義大矣哉果何  
以仰祖考之德擬大造之資始者同爲無斁也耶

皆

嘉慶歲在己未桂月全浣之吉

邑庠生徐應才拜撰



Faint, illegible text, likely bleed-through from the reverse side of the page.



宗譜凡例

一家之有譜所以敦一本也故近而父母生事死葬務竭力宜盡禮遠而遞推之高曾皆一本所自出墳墓必培植祭祀必豐潔不得損傷慢忽如或得罪於親得罪於祖大則削譜小則家長治法

一家之有譜所以睦九族也蓋族中皆我同源迨後久而漸疎恐尊卑或紊故作譜以聯屬之務須和順相接公直相處不得以富欺貧以衆暴寡以有能侮不能

一家之所重者孝悌節義若子孫有能盡孝悌全節義

皇陽集上卷言一  
者家長共相褒揚旌賞載諸譜牒以勵後人

一譜必清其源源清則支派明凡似是而非者不得混

淆雖世遠年湮有所考據可申追報之忱

一譜必嚴其入凡無嗣承祧者只宜繼親兄弟之子以  
接一派之傳如親房無可繼以堂兄弟之子與從堂  
再堂及相應者繼之不得慢繼別姓以亂宗法萬或  
不得已當會同家長酌處毋自擅立也

一女子僅於父行下書其適於某處不記年月日時者  
以其內夫家而外父族故也

一婦女不幸亡夫其能克苦自勵不貳其操者至四十

印


外當言於公乞恩旌表以激頽風著立傳贊以彰壺

範

一隱而有清風懿行文章詩賦可為法於世者悉錄之以表潛德

一仕而有廉能政績德惠才猷可流傳於後者備載之以彰風化并名公鉅卿之碑誌墓銘以及序傳詩贊之類概錄之以垂不朽

一或有祖宗祭祀田地須註明字號畝數於譜俾後之子孫知所世守而不肖者無侵漁之患庶幾大禮可以不廢而血食賴以永存



一族中凡有可表揚以彰先德以啓後賢者舊譜缺而不書新譜查而載之

一家譜猶史上係祖宗血食下關子孫支派必珍藏箱

篋毋許忽慢致人破鼠傷或垢染散逸輕譜卽輕祖也以不肖之罪罪之

一已上諸例既載諸譜永爲家訓不得視爲泛談宜各自凜之戒之謹之勉之

一舊譜多佚名字今亦不得而詳闕之

皆

雍正歲次辛亥菊月上浣之日

宋故工部尚書鄭公墓誌銘

公諱銳字世進爲河東人唐德宗之衰徙家於處之

麗水曾大父諱熙翰林學士大父諱宗德父諱巖皆

隱弗仕以公貴贈翰林學士公自幼博通羣書名重

海內  大宗皇帝親策天下進士擢公第四人時太

平興國三年秋也釋褐除將作監丞通判改著作郎

拜右拾遺直史館賜五品服出爲河東轉運使還起

居舍人知制誥進兵部員外郎充職以直言改戶部

郎中出守淮陽以畱獄之謗左降海國團練使起爲

工部員外郎  真宗皇帝卽位遷吏部郎中兼御史

印

知雜事拜右諫議大夫史館修撰大中祥符二年陞翰林學士以五年二月十九日終於私第享年七十有九公白衣時已有志於風化上書闕下請復鄉飲酒禮及修籍田禮太宗初旣取太原范陽未下帝怒不賞平晉之功中外莫敢言公獨上書極諫帝感悟賜內帑錢五十萬僚友謂公曰今日之事鮮矣宜小晦以遠讒忌公曰事君之誠惟恐不竭矧天植其性豈一賞之奪耶嘗謂其子曰吾每言國家事天子聽納則人臣之幸不然禍且至矣亦吾之分也及終有遺表諫邦國安不忘危之意其家弗預焉

印

天子惻然命中使賻之有制痛悼贈工部尚書持喪  
給月俸哀榮之禮可謂至矣以七年三月與夫人合  
葬於東巖清風峽子一曰良能補國子監主簿公動  
必以禮言必有法賢不肖咸憚伏之出處三十年未  
嘗趨權貴之門所著有咸平集二十五卷梅山集四  
十卷予嘗慕高風遊於其門十年今具狀索文爲之  
作銘云

嗚呼鄭公天下之正人也言甚危命甚奇盡心而  
弗疑終身而弗違嗚呼賢哉


昔



大中祥符七年三月甲子

門生冠

準頓首撰



宋故翰林侍讀鄭公墓誌銘

紹興二十九年秋八月翰林侍讀學士右諫議大夫  
鄭公年六十有七以疾告歸於山陰天子命公卿大  
夫咸出餞於西門瞻望咨嗟相與言曰鄭公歸哉  
於公計爲榮於國家計爲可惜其明年七月十五日  
公疾革出時務策一道示其子宏弼宏通而授以言  
曰臣子雖死不敢忘其君父者天下之至恩大義也  
今侃不幸猶以垂閉之口言天下莫大之憂爲  
陛下無窮之慮者其事有八以畢臣志死無所恨惟  
陛下用臣言必不哀臣死也言訖而卒不及其私宏

弼宏通以其語并其策以聞。天子震悼，顧有司問：「可以寵公者有司舉故事以對。」天子曰：「此何足以慰吾思？」迺詔特贈公兵部侍郎。公少學文章，長於議論，好讀兵書，知古兵法。紹興三年，舉進士，上書言事，拜著作佐郎，累官至工部侍郎，爲天章閣侍制，龍圖閣樞密直學士，遂侍讀於翰林。嘗爲審判院詳議官，知御史雜事。河北河東都轉運使，知台州、杭州、嘉興府，所至皆有偉績。爲人廉潔，剛正不屈，而難犯其仁心，愛物度量，寬洪人多，所不及也。公諱侃，字仕行，其先福清人。祖諱穆，元豐六年，知越州，遂家山陰。父維

禎官至博士以公貴贈工部侍郎母吳氏樂縣君配  
王氏太原郡君公卒之明年秋九月甲子與夫人合

葬於會稽山之南原所著有文集四十卷兵書十卷  
奏議二十卷讀其書可以知公之行跡其實可以知  
公之心嗚呼可謂忠矣浚叅政時嘗與公議事於朝  
今其子以銘請余豈以浚言為可信者歟為之銘曰

生不辱親 死不忘君 立身謹嚴 居官恪勤

惟天子聖 崇爵報勲 稽山鑑水 瞻望如雲


精靈奕奕 播之以文

昔

紹興三十一年夏五月乙丑

江淮宣撫使張


浚撰



Faint, mostly illegible vertical text columns, likely bleed-through from the reverse side of the page.

故吏部員外郎鄭公墓誌銘

孔子曰善人吾不得而見之矣噫先聖謂善人之難



得也如此世有德之清行之方政之平斯不謂之善  
人乎余見之於廷惠鄭矣公諱汝澤字廷惠其先河  
東人唐德宗之衰始占籍處州曾祖諱幹隱德弗仕  
祖諱陵官至博士父諱直御史襄行號亦樂居士公  
自幼明敏日誦萬言乾道二年舉孝廉除興元府司  
錄道遷大理寺評事知淮陽軍將行 天子惜留之  
直史館賜緋魚袋除秘書丞兩浙轉運使陞諫議大  
夫知蘓州移知壽州公爲政簡嚴所至民樂其不擾

去雖久愈思之轉太常博士主客員外郎

天子欲以爲知制誥名試矣大臣惑忌之遷戶部員

外郎議要事與權臣不合貶公爲黃州團練副使會

南郊恩復官知秦州丁母憂服除授吏部員外郎知

金華府是時宗室宦官嘗往來爲州縣患或夜半扣

縣門索牛駕車以動之公不應及旦徐告曰牛不可

得也由是宦官曰此不可爲也凡過其縣者不敢以

鷹犬犯其民田泉州民苦豪猾公至數日發大奸吏

一人流於嶺外羣豪股栗又得鉅盜積贓萬九千緡

獄具而輒再變衆疑以爲寃天子爲遣他吏按之

印

伏法由是聲名藉甚公博學強記尤喜言唐事能詳其君臣行事本末以推見當時治亂故學者謂終歲讀史不如與鄭公講論一日所著唐史記七十五卷書未及成以淳熙十五年十一月十八日終詔取其書藏於秘府又有文集四十卷公配朱氏子一曰實次年十月十九與夫人合葬於窪尊山忘歸臺之東具狀請文於余爲之銘曰


惟達而行義以知其方惟簡而無欲以遂其剛力雖弱兮志則強積之厚兮發也光仁宜壽兮胡卑亡有深其源兮有崇其崗永安其固兮百世無傷



淳熙十六年九月甲寅

淳熙十六年九月甲寅

九峯蔡




Faint vertical text columns, likely bleed-through from the reverse side of the page.

印  
故御史中丞鄭公墓誌銘

端平二年十月丙午御史中丞鄭公卒公諱亞夫字  
左卿其先自河東徙居於閩五世祖諱穆者元豐六  
年知越州遂家山陰會大父諱維禎官至博士祖諱  
侃翰林侍讀父諱宏通不仕贈翰林學士母王氏宜  
德縣君紹熙二年舉進士知泗州時紅巾賊次河口  
民不安生者七年矣公至召賊首諭之寇皆遁迹值  
歲大旱公烈火欲自焚霖雨頃至次年復水患躬親  
胼胝以殺河勢翰林學士王若虛知其賢舉爲監察  
御史上時務十八策首忤權臣前後數十百言持論

正大朝廷多從之兩浙大水民饑拜公為體量安撫使還直史館未至改戶部員外郎兼察御史知雜事糾察在京刑獄拜天章閣侍制改禮部郎中集賢殿修撰河北轉運使改吏部郎中龍圖閣直學士知杭州府召知諫院二年陞翰林學士御史中丞提督台處各府州縣儒學專以崇正大之學革浮靡之風為首務薦張勝等八十餘人皆能以忠節事君公之功大矣與權臣議西事不合力求致仕歸隱鑑湖三召不起公為人剛正樂易簡約配林氏文忠公之次息女子二長曰宏寶補宜興縣主簿次曰宏恩初舉進



印

士女一適李進臣子道尊所著有稽山集二十卷柯  
亭吟藁十八卷以次年九月十九葬安山之東原余  
與公有同年之雅為之銘曰

顯允公德 博施無邊 山陬僻壤 仰之如天

惠澤旁敷 青草芊芊 智謀勇畧 遠過前賢

性命理學 詩文百篇 蒼顏白髮 大耋其年

蘭孫桂子 香繞雲烟 欽懷欣羨 撫琴鼓弦

皆

端平三年八月乙酉

翰林學士新昌王 燭撰

董易部氏六譜 墓誌銘 八端全

翰林學士陸深

微平三平八尺心西

出

蘭系林平

香翰香陸

燈野涼卷

燕琴樓方

抄命野學

怡笑百流

香龍白髮

大書其平

燕琴樓方

香翰香陸

燈野涼卷

燕琴樓方

蘭系林平

香翰香陸


燈野涼卷

燕琴樓方

與冬春同平之擲亂之極曰

卒包基十八遂以水準此民十武藝安山之東氣余

士文一私率並引下直取泚著食爾山榮二十卷陸



印

忠孝公傳

獬自幼天性爽朗俊邁不羣讀書過目成誦羣經子  
史悉皆蒐閱一時學者莫不敬愛性純孝親嘗有疾  
則焚香籲天乞以身代初舉國子監第五人謝啓云  
李廣才氣自謂無雙杜牧文章止得第五 皇祐癸  
巳 上御崇政面試園邱象 天地賦進士第一試  
前一日 上焚香祝曰願得忠孝狀元遂得獬七微  
時夢至一處有小池闊數尺鬣以光明玉獬以水浴  
身視其臂生白鱗視其水中影頭上角出有吏云此  
玉龍池是也故登第詩云霹靂一聲從地起到頭身




印

合葬誌

南大公

先考諱泰字思忠姓鄭氏其先楊州東郭人始祖壽




七公尚宋宗室女爲郡馬扈思陵南渡後致事來請  
全得今居山水之勝因家焉祖諱良字與能配趙氏  
生子女六人伯溫思恭思敬長姑適東山吳太初次  
適本縣儒學訓導陳宗亮而先考居幼焉先考賦性  
剛介樂善好義先妣姓姚氏婦道母儀蔚爲壺範生  
眞等子女三人兄儔先卒女弟適靈泉鄉朱氏孫男  
三人曰瑛曰璠曰璵孫女三人長適同里鄺氏次適  
龍溪黃氏幼適平闊張氏諱肅任蒲田縣令先考生




於至正丙申五月初十日卒於宣德庚戌五月初七日享年七十有五先妣生於至正乙未十二月二十四日卒於永樂乙未九月十三日享年六十有一葬安俗鄉徐村山之原今卜以宣德七年十二月十七日壬寅奉先考柩合葬焉於戲真以渺然之身得以成立者非二親教養之所致乎欲報之德昊天罔極古人有言親有美而能傳人道也子職也姑述其梗槩納諸幽尚俟當代名筆為表墓道焉

孤哀子真泣血謹誌



百歲公文


歐陽子曰其同乎萬物生死而復歸於無物者暫聚之形不與萬物共盡而卓然其不朽者後世之名誠自古迄今莫不皆然而著於簡冊昭如日星故有道士宜乎生而生長松之千尺產靈芝而九莖死而意不化爲朽壤而爲金石之精浣水恩貢廷輝公名雷生於成化壬辰配蔣氏繼娶鄺氏生丈夫子七幼名鸞字文鳴號暨山生於正德甲戌性至孝慕大義配趙氏生六子壽百零八歲劉光復先生任暨陽慕其人賜匾額其額曰人瑞堂復時時往詢之有老母



易其杖致贊辭聞之百歲曰期言人所期望在是古者壽百歲天子就而問嗚呼爲歌天保爲歌行葦非其德合烏能膺眷公平居時知天經地義之昭垂惟承歡爲立行之原故與其妻恪恭庭幃終身如一日至有疾並調湯藥裘不解結刺股痛抹無少遺憾而衆謂延輝公有子矣常運漕刷是而徵額定民力蘓也常弭盜盜風乃止兩驅倭匕寇絕域未幾而歲凶焉爲之發粟賑饑而閭里得賴以生者多矣又未幾而力役興焉公董築城城郭完固功成建立城隍廟又建古昭祐侯社壇如此而欲八蜡交通冀年

穀時熟疾疫不侵暨邑之士庶共沐休養生息涵煦  
百年之久所以功彌高而年彌劬嗟乎天之所甚愛  
者年自古帝王卿相欲求長生而不得往往見山林  
隱逸之士偏享其年而公之年獨與古帝王俱其亦  
古帝王之民歟使得一吳道子之流爲圖一影雖不  
能與昔時躋堂進南山之什祝爾三多開北斗之漿  
呼我一醉假時輒一開看猶得想其丰采念其明發  
慕其化裁而謂古顓頊氏帝嚳氏之民如對暨山公  
之披襟與語朝夕與居也又何待乎今日懸擬焉意  
度焉以文之當必作爲詩歌以勒之金石

若耶樵者唐九經撰



[Faint, illegible text within the main frame, possibly bleed-through from the reverse side of the page.]

印

經吾鄭先生行狀

夫江河聚流而成浩瀚之勢必分導散洩而無淤壅  
泛濫之虞人之資財用而有爲者寧獨不然散而不  
聚無以策身聚而不散適以滋累古人鑑於斯若辟  
穀張子房當秦漢逐鹿棄萬金而不顧馬援曰財聚  
而不能散爲之奈何斯其意不在利也若鴟夷子皮  
伯越之後視富貴若浮雲卒爲陶朱之逸此數公者  
勲名爛然卽積聚豐肥亦不爲過何爲輕棄若此哉  
吾邑經吾公諱子權生長陶朱之陽孝恭敦睦主伯  
亞旅不愆雨暘寒煥之期克相山澤土地之氣布帛


菽粟金玉泉刀罔不備具可謂能聚矣而又能盡所得爲凡有禪於人可垂於世者一一經營而樂與焉見道路之險阻則平坦以治之見波津之艱涉則石梁以濟之至於壇社之建院觀之構叅差輦革周環輪奐以及昆蟲草木之微靡不被澤跡公之行非與古人不計功不謀利之心並卓然千古哉書曰惟孝友於兄弟克施有政殆其是矣吾友怡如僧兄恂如編修家乘閱公巔末方知載道之謳思歷歷不爽余兼至誼爰著窺豹之意作歌以頌曰

蠡山峩峩兮鍾奇英浣水泱泱兮挹其清不事王

印

侯耽泉石惟敦孝弟蜚家聲幾千百年沐其澤幾  
千百年馨其名五福駢兮多壽考七襄盛兮燦天  
孫一時千古照顏色猶看箕裘紹後昆

後學孫允升靜甫氏拜撰



皇易部七六音... 行狀... 八端卷



一、...  
二、...  
三、...  
四、...  
五、...  
六、...  
七、...  
八、...  
九、...  
十、...




印  
顯慶庵序

顯慶庵鄭氏方世二公所建也公當前明化治間天下方無事士大夫之有力者徃徃創立寺觀粧塑佛像使衆僧晨鍾暮鼓虔心課誦於其間甚者或至自祝髮默叅蒲團以終其身焉故公之家資本不甚殷而樂善好施以爲建造禪院令僧代修可以保佑子姓於是相吳家山石塘灣口築香刹一座禪房數椽落成顏曰五龍庵捨田一十四畝零俱在庵之左右前後又山一十餘畝延崗可十里焉字號土名俱載鄭進朝戶班班可考僻在偏隅雖非洞天福地而寺

貌巍我佛像森嚴生徒又各有所賴亦足見善人之  
所爲矣厥後菴宇歌斜佳僧移建山麓改名顯慶  
而曩日所捨產業未嘗稍易也但菴宇重新生徒日  
繁早誦夕修膏火或有未充喜助田畝者爰有祭章  
二姓焉彼雖護法有功而考厥由來要必以鄭氏世  
二公爲權輿焉康熙己未歲將勒諸譜公之四世孫  
屬序於予予應之曰茲菴旣創於爾祖但無失於後  
昆亦足見祖澤綿衍永垂不朽矣因不揣鄙陋謹爲  
之序

康熙己未八月旣望

眷晚生周世則拜撰



聖易即天卷首 序

八端堂



Faint, illegible text impressions, possibly bleed-through from the reverse side of the page.

印  
文英鄭公傳

凡宇內豪人傑士必得豪人傑士之筆以傳之始足震今而信後苟人非豪人傑士而或得豪人傑士之筆以傳之亦足假美以欺世苟人爲豪人傑士而傳之者或非豪人傑士之筆必不能歷久而垂遠吾邑鄭公諱文英字聖慕者系出宋宗室狀元忠孝公之後其先世南三公徙居趙馬嶺代有豪人傑士而公尤爲近今之出類者焉持已也重以周待人也輕以約睦族也以清河之百忍教子也以燕山之義方凡一言一行必審之再三而後發不敢以躁動不敢以


輕嘗而其所當言當行者亦未嘗出之以因循姑待  
而正直剛方之體不屈於事爲紛擾之餘是以往來  
交接之輩仰其丰挹其神而心服其爲人也豈與世  
之機械變詐動不軌正而妄自矜其才者同日語哉  
公配張氏生三子長曰士賢次曰士良幼曰士孝皆  
克勤農業而家道用是大振此皆公之謀畫所致雖  
有豪人傑士要亦所爲之大約如此耳可無文以傳  
之

雍正九年辛亥九月

柏溪張大乾拜撰

名九公傳

夫傳之作也因傳其人有德行之可表賢良端方可揚著其實而聞之當世以彰風化警頽俗非徒事浮華尚粉飾已耳芳於高高祖見之矣公諱吉字天祐行名九悅三十公之長子也性坦白沉靜真摯輒目不忘家政殷繁孝雙親友兄弟公論評於鄉黨言不妄發行無妄動恭敬守於心田遂擇里卜居於石芝廟之楊村環山繞水平林堪誇述公之行狀不但如斯而已焉公配俞氏孺人幽閒貞靜淑德維馨內則可嘉而孺人胞弟學勤公身入黌宮財富五車惜乎





瓜瓞未茂年同顏子而逝世惟元配陳氏腹內有孕未婉伊族有貪產奪析之意者不樂其有後嗣謀於公曰某與公某與公而公不以富利動其心矍然答曰絕岳翁之宗祧以肥家利己予不忍爲恪守不奪之志以盡托孤之忠陰相護扶曲爲調理後果產男曰宗望卽今太學生俞存三之父也致宗望復振家聲陳氏克全冰操誠公之竭力扶持使然也鄉黨中之識者誰不敬而愛之如此德行豈不慶流其子孫歟公享耄耋之年得鹿車並坐天之陰祐吉人也芳爰爲之傳以垂後世不沒云

印

肯

乾隆歲次己丑年季冬月

祀孫士芳頓首百拜撰



聖易部天宗卷一

傳

端



名三十六公序

名三十六公諱治字天全悅三十公之幼子也少時

卓犖不羣隣里多奇之艱於遇勿克如所欲漸謀治

生予策雖歷練老成都無以過之及壯經營貿易奔

走於名勝大都之地見者莫不敬為端方人以視世


之孳孳為利者大相懸殊不數十年而家已富有矣

又聞公之為人也敬以持已和以處世或人有鼠牙

雀角之爭者必力為調處不惜出已貲以周之而往

來交接寧已受人虧不使人受已虧寧已受人欺不

使人受已欺甚至非禮相加亦怡然安之而不變色



迨逾時而徐爲開導人因之感悟而自覺其非者每  
深仁厚之恩至年邁樂爲善好施與居山林以悠遊  
俯田園而自得務質樸以律身謝奢華而勿問雖未  
親接其規模而亦耳聞其懿範不禁爲之歛歔嗟嘆  
仰慕於無窮也今其孫佳瑤不忍泯先人之德求序  
於余以示後世余曰汝大父之德自表彰於閭里初  
不以余之序爲重輕而余又非能序者無以序爲也  
固請辭之不得爰措數語以弁其首

皆


雍正辛亥菊月上浣日

眷晚生張大乾拜撰

鄭秉常公傳

傳也者傳其人之生平行事以垂後也故沒世無稱  
君子恥之然非慎修厥德其何以傳鄭公秉常諱倫  
一鄉皆稱爲可傳人也公賦性剛介遇事果決而無  
因循之思臨財慷慨而無吝惜之心凡處已待人一  
循乎禮而踰閑蕩檢之爲未嘗流露於形迹之表且  
壯年之英氣勃勃有不欲讓入之心及近而接之則  
謙遜卑牧之風溢於言外今者行當杖國樂安居而  
不出謝世事而勿聞登東臯以舒志俯流水以怡情  
覩林木之影翳則盤桓而不去聽禽鳥之和鳴則嘯

歌以自得悠焉遊焉以享餘年而獲福倍加尋常以  
視世之貪饕富貴奔逐名利而蹙蹙靡定者不啻相  
去霄壤公配樓氏克盡婦道不幸以雍正乙巳歲卒  
享年六十有四生丈夫子四人長曰肇琮次曰宗賢  
三曰宗文幼曰宗翰皆忠厚誠實克紹前業而家聲  
用是不振孫十餘人曰宏章宏全琮出曰宏舒賢出  
曰宏裕宏基宏吉文出曰宏遠宏毅宏乾宏亨翰出  
皆卓犖不羣而繞膝階前有不覩之而心快哉跡公  
之生平而畧舉大槩世有以丈人之欲潔其身目之  
者誠不謬矣爰爲之歌以贊曰



斗巖挺秀兮無終極河水汪洋兮不可測想公之  
道貌兮翩翩而若仙聽公之語言兮秩秩而有節  
竹影覆屋兮雲鎖門驅車行過兮人必式布穀鳴  
兮百物生男勤耕兮女勤織承前啓後有誰如庭  
栽三槐手親植園中花發一枝香終日縹緲繞其  
側月落棟梁光滿欄一時千古照顏色

肯

雍正九年歲次辛亥九月丁丑

眷晚生張大乾拜撰



庚五此半與大卒及此月丁丑

春卯土規大碑

昔

時民蓄財聚米漸隳一制下古錫政可

姓三麻牛膝臥園中計發一好春絲甘熟無蘇其

各百幽出畏遭縣各女體蘇承節習對存錫收劉

昔漫期星各雲翰門驅車台陽台人必大亦錫謝

後歷各隨臘而珠山顯公之請有不疑蘇而序情

上蠶封愛各無流蘇河水玉誓台不丁斷然公之



印  
賓華公傳

余性僻多狂而筆墨甚疎不能爲文以傳人亦不樂以文傳人也非人之無可傳而恐傳之不得其實也公諱思齊行高三十一名十公之次子生平未嘗輕發一言妄行一事居家惟知勤儉立身務盡質樸恂恂乎以實而不以華至於往來交易不損人亦不利已一以公平正直處之今者年登古稀餘卽足不出戶庭而安享遐齡固所當然而抑知公不以衰年自諉也辛亥春族有集譜之舉而公爲董事此亦仁人孝子之所不容已者夫譜必有費而費出於丁鄭氏

自寶四公後皆散居別地而路隔數十里之遙公率弟姪輩携杖前往冒風雨而不憚其瘁忍饑寒而不辭其苦跋涉之勞夫豈其所願哉亦以敦本睦族事關倫紀不可無一人以總持之使因循姑待而坐視其成敗將必有不堪言者矣茲之譜牒告成而燦然可觀非公之力歟公配俞氏白髮齊眉生子二女一生孫女四孫三人家聲用是克振爲之約舉以傳之

肯

雍正九年歲次辛亥十月癸巳

同山邊景垣拜撰

甲山宋彥鄭君傳

甲山鄭君宋彥余故友也憶昔相交時余以非常之人目君而君亦以非常之人目余二人相得自謂無臭味之差池孰意天奪其年捐塵世而不顧嗚呼鄭君理可憑而數不可憑人可知而天不可知君諱思灝宋彥其字生平行事惟余最知而余亦心服其爲人馳騁於吳越名勝之地往來於豪人傑士之中以氣誼是尙而侃侃正論無所顧臨財忌慷慨罄所有而不惜遇事果決隨所投而不驚心性放逸舉動多不自持出入於城市而屠狗賤技膏陽酒徒之輩相

與並坐酣飲雖袒裼裸裎不爲汚也一遇夫正人君子肅乎其容而倍加敬禮如芝蘭之可親惟恐其不我得也此以知君之爲人有隨在咸宜者也當其居鄉時無論事之大小輕重悉以君斷而人無異言非勢有以脅之也以其信於平日者素也事親至孝凡生養死葬務竭力爲之以盡人心而於兄弟最友幼弟蕩廢無存復招於家以共所有雖分析多年而一如未分析者焉君非孝友中一完人乎夫天地間之美名一人得之而造物忌之造物忌之而必欲奪所有以還造物固然也然則君之不獲享其年亦名

印

之有以速之使死也又誰知其故也君生於康熙辛酉十有一月二十二日卒於雍正庚戌四月二十四日享年五旬配王氏生子六人女一三曰佳瑤近從學於余而成立可冀諸賢嗣俊秀自能恢宏前業以振家聲今者時維九月序屬三秋觀落葉之飄搖俯衰草之述離不禁動我以生死存亡之感爰爲之灑淚以傳其大概

皆

雍正九年歲次辛亥菊月上浣日

柏溪張大乾奇書氏拜撰



印

鄭克榮公行畧并贊

公諱毓珍字克榮名十三公之三子也克相陰陽寒

暑之宜不爽鷄鳴昧旦之候出而畎畝入而蓬戶悠

悠自得以樂其志所謂不識不知順帝之則者公其

有焉夫太古之遺風人不見於人世惟是詐偽是尚


奢侈自矢而降衷之恒心半喪於物欲既萌之後若

得失無與於己是非一聽乎人喜怒不形欺罔無聞

而時守太璞之真者已庶乎其可風焉吾於公雖未

有以深知其生平而其子佳璇常與往來言行謹厚

而不事夫浮華丰神雋雅而遠超乎凡俗知其子即





可以知其父爰為歌以贊曰

片石嵯峩兮亘千古孤松青翠兮煥寰宇清風拂

面兮坐空庭皓月撲花兮鋤荒圃課子讀書兮勤

黃昏呼童耕犢兮日停午行可表兮言可坊剛不

柔兮茹不吐滔滔世途不可知渺中流誰砥柱


逢君相話兮挹謙光屈指到今兮誠難數箕裘恪

守兮承先賢聲名歷久兮載家譜

肯

雍正九年辛亥菊月上浣日

柏溪張大乾撰



印  
修譜紀各贊

張瑞


作事有肝膽而戮力同心甚得大體交際有餘情儕  
輩難與一我爲君頌之

佳璇

立意修譜已有年矣然其質性剛健才具堅卓治家  
井井處世閑閑交際往來咸適其宜壺觴贈答不溢  
其情保世承家之士也

佳璣

志氣剛方情誼和雅言談娓娓不倦笑容可掬而作




事正大不涉瑣屑精神甚壯知識過人乃得父遺風  
倡議修譜黽勉同心真一族之望也

宏舒

性質真摯待人有肝膽往來信其誠實重其然諾凡  
四隣親朋罔不聽從蓋其相信有素也修譜於家任  
其勞勩而朝夕周旋經閱數月初無厭怠其堅挺蓋  
如此

宏達

一生細膩周密毫無遺漏理家政殆有餘而處世故  
聞甚爲雅淨自好之士而立業之子也



印  
宏基

豪俠其性慷慨其行不畏強禦無欺厚人纂修譜牒  
公董其名課丁糾費殷殷勤勤以爲能世之罕士也

士芳

具幹濟才不事苛刻不喜狹隘而堂堂氣象不以貧  
富繫身然經營圖度自有一定規畫遇正直則敬禮  
之遇譁張則趨避之蓋不同於靡靡者也

士鰲

克有其家忠厚樸實而處世和諧治家勤儉任以事  
故出盡心力爲之毫無推諉且重大義不附小利族

中之堪屈指者也

皆

乾隆己丑年應鐘月上浣之吉

邑庠生石作章撰



印  
魁字公傳

公諱魁字行名五十七係悅三十二公次子也爲人

一生克苦儉樸戮力成家而家資漸豐更基立業建

屢於茅山之陽庀材鳩工式廓謀猷象鳥革翬之繁

竹苞松茂之盛尤天之報施善人而不爽也德配陳

氏孺人齋出望族侍舅姑稱孝待妯娌以和克相夫

子如賓事中饋無虧世人稱爲內助云舉一子諱文

範樸實老成繼述父業而更加什培矣如公者得內

助之功居多而有賢子克昌厥後者世守弗替焉公

長享天年壽臻耄耋氏亦齊眉鬢鑠榮含詒弄孫之

歡爲克苦善世之報哉以公次孫諱宏儒者有慷慨  
仗義之材好善樂施之志助建鄉社額書其名而公  
之賢嗣孫昌熾未艾也余不才不能盡述公之懿行  
而詢其父老之傳言以爲傳

皆

乾隆歲次己丑六月

後學石允耕拜撰

者士開先鄭公傳畧

爲傳者傳其品行端方之君子也吾邑衡山之陽平  
勢獨聳故有突頭之云由爲鄭氏世居山名水秀里  
風俗厚多生耆彥之士鄭氏諱肇琮字開先高八十  
二其行係名七十五公長子也幼習舉子業長務理  
家政爲人不喜浮華篤厚樸實慷慨仗義有大古者  
之遺風其閭閻中有爭訟來告者公必出爲竭力排  
解而事雪消矣告者敬仰懽笑而退里人嘖嘖稱道  
公爲一鄉之善士而無官之直人焉更有可嘉純其  
親而友於弟 邑侯聞者旌其門曰鄉耆士之額給



頂帶以爲榮是爲勸世之懲也配錢氏名門女淑德  
稱賢治家井井滄瀧無欠敬夫如賓舉二子宏章宏  
全宏全者智慧過人豁達大度壽同顏子命而無傳  
惟長子諱宏章字周憲溫厚誠實沉靜寡言非禮不  
爲無義不取承理父業克勤克儉保守而弗墜焉以  
公壽臻耄耄齊眉豐饒齒德並隆長享天年之榮班  
衣舞袖之喜桂子盈庭蘭孫繞膝如公者眞爲境世  
之全人也南生晚不能親炙公之行誼而公之賢孫  
東啓告余言而傳述之

肯

乾隆歲次己丑季冬月

後學惠成化南氏撰



外別錄

南九



宗賢公傳

公諱宗賢字蘭若行高九十二秉常公之次子也世居南薰門爲暨陽望族以十九世愷十八公遷居二十八都突頭頂遂聚族焉公少穎悟風格殊常長多才畧有智謀會家計棄經書不屑屑於農圃而以貨殖遊四方凡徵貴徵賤頗得陶朱遺智真人傑矣哉公生平喜招賓客宴親朋談諧脫畧有晉人風居家則尙孝友處世則重信義爲人排解務竭誠盡慎不惜已資卽有侮之者亦不與校於是閭里咸敬式之與兄弟析產大度豁達不分爾我不爭多寡居地偏

隘卽以已產少值讓之乃免別求愷爽而肯厥堂構  
其於友誼爲尤篤也公配鄴氏賢而且淑厥子宏舒  
克承先志今公雖逝而子生孫孫又生子繩繩綿綿  
嗣續之繁庶不失令善之報也余忝姻戚頗悉其爲  
人雖不能殫述猶得取其梗概而書之以見鄭氏之  
多材云


乾隆歲次己丑季冬月

同里湖白楊惟信拜撰

印

斐然鄭公傳

公諱宗文字斐然行高九十三先世居邑之南薰門  
 高高祖諱鸞行興九年百餘歲曾祖號經吾行愷十  
 八豪俠好義多所創建名震通邑始遷於魏塘之東  
 其地山環水繞林木叢翳每當時雨暴漲浦陽烏傷  
 之水浩漫而來連江帶湖勢若巨浸民居田宅宛在  
 水中央乃行營高厰地擇可以永無水患者而卜居  
 焉今作突頭頂云祖諱國錦字君尚偕弟再旦食餼  
 於庠父秉常公耕讀傳家不治外務配樓太君生四  
 子公居其三自百歲公至公世世書香不絕公幼時



左  
 易  
 部  
 卷  
 三  
 傳

端  
 卷

習舉子業不售棄而治家謹遵朱子格言積德恪守  
溫公遺訓隱居教授以慶流子孫配楊氏孺人今年  
七十有餘賢而且淑尚強健恪守家規勤謹不弛公  
年七十而卒葬於後山之陽丈夫子五人長宏裕次  
宏基三宏吉四宏豪五宏傑皆克成父志孫東僑東  
梁尚景尙材各能自皆頭角崢嶸語曰祖德之後其  
信然乎


乾隆歲次己丑年大呂月

眷晚生石濱拜撰

印

斗文公傳

公諱佳璇行振三十斗文其字也公少穎悟甫受書  
卽能成誦游學數載畧通書史配樓氏賢且才生有  
一子不越數年而氏竟逝世矣公悲咽不已誓不再  
娶井曰親操日則揭子耕牧夜則攜子同寢所謂清  
苦丈夫志風霜善自持吾於公見之時有勸之者曰  
以之子家非不足於財者何自苦乃爾公曰人須要  
立志世有始爲君子後爲小人者由志變也予若變  
志是欺死者欺死者將何以教生者乎且諸君不聞  
古錢鏗有言乎上士別牀中士異被服藥百顆不如



聖易部元六卷一  
卷一傳

卷一



獨卧予之不娶是亦清心寡慾之一助也由是人皆服其醇謹老成兼善其有養神治生之術也迄今公行年六十有餘矣肌膚如水雪綽約若處子若藐姑射山人也其規風矩雅堪爲鄉黨模楷至處是非義利則確乎不接凡學士文人以至牧豎兒童莫不得其歡喜尊敬田園室廬駸駸日盛若子志遠孫東山魯山鼎山無一不體公之志是皆公立志之功也夫公居與予相隔數里以故熟悉其人爰爲之傳云

崑

乾隆歲次己丑大呂月

同里雁山楊

嘉拜撰

夏氏貞節傳

夫先王教化可行於冠裳濟濟之名流而未可遽行於壺內能行於素讀書居民上之君子而未必能行於深閨刺繡任饋之女兒本學增廣生員諱鳳字文彩者妻夏氏十七歸鄭二十一而夫亡七十二而身殂晝則爨飴夜事紡績其歸自文彩也得待舅姑之養性嚴而潔動以禮俱凡縫紉酒漿糲資滫瀡之具必親爲之至於卧病湯藥祈禱扶持吮摩無不備至自生初以至沒後孜孜勤儉終其身如一日氏之德可謂盛矣迄今孫哀其志請紀述於余余解之曰奚


藉此也子以爲氏之哀而吾以爲氏之榮其生也榮其死也榮其爲人固榮而爲鬼亦榮也夫國家名臣輩出道德功業文章氣節於今爛然亦有生而趨炎死而無聞何可勝道若文彩公之妻夏氏其精光赫奕自在天壤不已昭回雲漢爲章於天與夫文彩益彰其文彩歟孰謂先王教化可行於冠裳濟濟之名流而不可遽行於壺內能行於素讀書居民上之君子未必能行於深閨刺繡任饋之女兒乎夏氏之孤守燈火撫養藐兒教以成人之道廸以纘緒之謀其艱辛有備難言述者而子克有家以大其聲文彩公

印  
不亦可晏然於地下乎宜閭里鄉黨之稱道勿衰聞  
之行百里者半九十言晚節末路之難也若夏氏  
庶足以風寧特賜額掛匾了一故事而已耶

風高秋菊滿庭芳白首高堂福履康修竹一簾旌  
里色巖松千尺傲冰霜旣披班氏新書帙還閱共  
姬舊羽裳問到北堂今進飧終朝饋食恐無遑

若耶樵者唐九經題於文來閣

風高天落漸致長自首海濱風刺於  
 須以風寧休擬遊棋圖下  
 文符百里法半式十里言如前末  
 不亦何曼烈致此不平宜問里飛  
 風高天落漸致長自首海濱風刺於  
 須以風寧休擬遊棋圖下  
 文符百里法半式十里言如前末  
 不亦何曼烈致此不平宜問里飛



印  
酈孺人傳

孺人姓酈氏允清公之女宗賢公之妻也自幼嫻內則解孝養貞靜幽間有大家賢淑風孝事舅姑相夫子敬如賓主妯娌雍睦勤謹不敢弛宗賢公素任俠不瑣七作邪僻狀凡親朋交接款洽甚殷鷄黍壺觴每日當之如村落間巨細交際日夕相往來而所需用者皆出自已橐雖有中人產遂不給於供矣乾隆甲戌年公抱病卒而孺人涕泣謂其子曰汝當三年無改於父之道此語子之所當盡也而宏舒亦克體母志勤儉操作率先爲之孺人於是龜手荷衣維紡

針線百船艱辛成其家事如是者十餘年而家在成  
孺人生一子宏舒宏舒爲單傳生三子長曰東望次  
曰南望幼曰東臯各能自見頭角稱爲德門之後今  
孺人年八十餘矣尙強健操作不稍懈而家稱小康  
隆隆日起正未有艾爰爲之傳

昔

大清乾隆三十四年歲次己丑六月朔日

表姪孫石峯頓首拜撰

振三十四東美鄭公傳

噫無懷氏之民歟葛天氏之民歟以余所結姻親東  
美鄭公乃真其人也公足跡不履城府生平行事敦  
孝行尚節儉嘗受人詐嘗受人愚而公則甘之如飴  
初不知人之詐愚我者此豈遂養功深乎抑亦天性  
自若也山居者不知險澤居者不知濕人苟以誠自  
處一切儻來之數經之若無固然無足怪者蓋其力  
行寧爲北山愚公毋爲河曲智叟無機心無機事如  
漢陰丈人之抱甕而灌倘所謂不識不知順帝之則  
者非耶是道也莊列得之以仙粟里得之以隱公師



其意班次於亦仙亦隱之間超然於非仙非隱之外  
噫無懷氏之民歟葛天氏之民歟公諱佳珩字東美  
行振三十四德配方氏舉子四人長士貴次士品次  
士林幼士望女二長適洋湖祝國松幼適附二都劉  
中立公生康熙丙戌年十二月廿九日戌時卒乾隆  
丁丑年四月初二日子時葬興墓山之原壽五十有  
二 贊曰不雕不琢金渾玉璞望之鐸如歸真返樸  
嘉慶己未桂月之吉

眷姻弟邑庠生徐應才拜撰

三十四

鄭公貴長傳

士之行可一鄉材可一官者誠甚少矣而若孝弟力田質任自然耳目不極視聽之好口不窮芻豢之味心不誇矜勢能之榮淳淳循循獨於晚近時留太古遺風也吾於鄭公得之鄭公者諱貴長字學明高七十一公次子也歲己未余索居書齋公之嗣孫元愷來告余曰族輯家乘其事將竣願爲先祖請一言余曰公之質樸勤生所素聞也然未得其詳可縷述之曰先祖行事愷亦不能記憶也敢爲舉其所聞者自先世衰落未有室宇吾祖少時隨曾祖三徙而得今

居賃痺屋數十椽上破而旁穿屋以外彌望皆白茅  
黃葦是時祖雖少亦相與荷鋤執斤常佐墾刈已而  
吾祖稍長伯叔祖皆析箸乃益開荒治田苦爲生計  
家雖隆隆起猶自襁褓耨不敢捨業以嬉而所處  
宅地四分五裂犬牙相錯皆散屬他氏吾祖乃百計  
經營日久之餘零星續置蓋不知費幾許心血而後  
籠而有也嘗於乾隆辛未歲偶遊亭舍見饑民流離  
載道且有仆地者乃歸而嘆曰昔吾無一瓦之覆一  
壠之植以庇而爲生誠恐不免爲溝中瘠今凶年猶  
不至此吾何恃而能自給耶吾豈由天降耶地出耶

印

吾以勤儉致之也汝曹其亦念之曾祖既沒凡所以  
藉幹者務從其豐顧獨未有葬地躊躇於家計無所  
出會有相墓田者指舍右一壠曰此竟可其地卽吾  
祖已業也伯祖諸從父皆相視而未敢發吾祖卽慨  
然曰吾不以已業爲意也人皆色喜營葬旣畢而吾  
祖若不爲已業也者而安之而伯祖諸從父亦若不  
爲吾祖已業也者而安之蓋由誠心而然也祖存心  
寬厚事事讓人每有雀角輒不與校且各如其意而  
去行年八十以

皇恩覃敷優給肉帛又四年而卒歷年八十有四其壽考

康寧子姓林立或亦素行之報與愷之所聞者如此  
余聞之曰是良士也是管子所謂野處而不匿其秀  
者也其猶有唐魏之遺風乎抑聞之禮先祖有善而  
弗知是不明也知而不傳是不仁也子其免於是乎  
故不揣固陋而述之

昔

嘉慶四年菊月

邑庠生王鴻漸撰

振五十二公傳

公諱宏遠高九十八公長子也母李氏同胞六人公  
爲長昆季之間怡怡如也公醇厚周慎嗛然終日然  
不肯窺時俯仰不求聞於人人接之如噉諫果味久  
愈在而勤稼穡務節儉則其素性也邑里中末技游  
食輩率喜夜談或論人矩長或詼諧相笑樂甚或攤  
錢呼紅爲牧豬奴戲至漏下數十刻乃已詰旦則日  
已高春猶肆然卧及農事正殷乃始稍稍息公治家  
有方東方未白卽朝饗昧爽卽之田人啓戶而作勞  
已多時暮則日未崦嵫已闔戶而寢以故不費膏油

而一日之作田功特多公宅山壤故多腴產而四面亦皆窪田雷雨一作水卽傾注或三日爲澍襄其上者輒丈許若霖雨則嘉禾並腐敗其下如是者十常五六故人或怠以止公獨糞種耘耔不忘其舊而其家却以窪田起計其所贏修業而息之旣增產業又隆棟宇而廳事門廡煥然畢脩焉其平居早作夜思耕稼外無他端而遇里有公舉則又未嘗以事免月山廟者公之里社也歲久將圯公與同事者經營簿其出入應其財賦凡大采細桷員礪方礪以及圻壤陶甃之屬亦皆事事親理至彌旬匝月無倦容迨告

成而所以善其後者亦至而去宅一里所有橋焉實  
 往來行人孔道也架木為梁梁狹又朽下惟甃以亂  
 石水激石落危斜傾歌將立崩者然過之者蓋皆慄  
 慄危懼若隕於深淵焉公與諸同人涸其水實其底  
 植其石者凡各制以鈐六然後四其石以橫之上下  
 相銜牢不可破迄今猶如登坦途云初公之治家  
 也飲食被服概從其嗇其後常不使過之有勸以厚  
 養者公笑曰吾何取乎是秋茶春薺與象白駝峯同  
 果腹也草衣卉服與蜀錦齊紈同蔽體也且吾聞由  
 儉入奢易從奢返險難將以為子孫戒又何取乎是



勸者意沮而去蓋公之素性如此余姪孫垣公之季子壻也以譜事將成請言於余余惟鄭氏素稱望族自昔名公鉅卿以及今賢贈遺率皆煌煌大篇下里鄙言誠恐蛟螭雜螻蚓既而思余雖不文實難堅辭遂爲約畧以述其他則非所以論公者也故不著配樓氏舉丈夫子三長東里次東尚次東岳孫十餘人

昔

嘉慶四年歲次己未菊月


眷弟邑庠生王鴻漸撰

一

振七十四公傳

昔周以農事開基故首重農而士卽於農寓之居則  
聯夫家之數出則預閭族之書賓賢與能由此其選  
士與農原不分也後世分而二之而秀民之爲士者  
多匿於野處如吾友王宇清先生所述鄭公足當焉  
公諱宏儒行振七十四吾邑望族之裔也幼時業不  
甚豐未遑親庠序公率性而行事二人生養死葬事  
事盡心兄振五十四公生二子早年逝世公撫愛諸  
姪以長以教不異已子知公之於孝友不學不慮其  
天性也胸懷曠達最嗜酒親舊招之飲期在必醉醉

則隱几而卧少頃復飲終不作狂妄態常與賓朋遨  
遊城市中酣暢竟日千杯猷少彷彿有燕市遺風祖  
居甲山室宇頗墜因卜遷於麻車山之陽其地素荒  
蕪荆棘叢生公竭力墾刈構屋數間門卑不容車又  
繞宅種桑麻兼之菜蔬瓜果自給之外悉以售人真  
沃土也而宅幽勢阻或擬之盤谷隱者公秉性公直  
有幹濟才隣里雀角之爭得公區處皆弄瓦而解所  
知或屬以事無不盡力推挽之一諾之下千金不易  
聞風者咸樂爲公知己初公以女妻近里郭氏未笄  
而卒親翁亦早逝其家連年顛沛幾不聊生公恤之




如已女在日復爲壻營宅於已宅之東得便不時顧  
問今其兄弟合居於此咸賴公力焉至若勤作苦敦  
節儉其本分也何事稱揚爲凡此皆吾友之所述以  
轉聞於余者也余喟然嘆曰以公天性淳樸使澤以  
詩書奮志功名其所表見豈無卓卓可稱者而竟老  
吾農惜哉詩曰攸介攸止蒸我髦士公其庶無愧乎  
余嘉吾友不忍沒美之心而深慕鄭公之爲人有足  
以風世者爰撮書大畧以應吾友之請不敢以不文  
辭

昔

嘉慶四年歲次己未菊月

眷弟邑庠生黃琮拜撰



以風折津受琳書大畧以獻吾文之體  
余兼吾文不惡好美之亦而對慕惟公之  
吾學前時特自對介外山蒸拜學士本其  
餘書皆流以合其流矣其五編草草可辨  
轉開其亦首也余聞其曰其公天封其對  
前翁其本公世河學撫其德且此書其文  
聞令其取與合其德其如好公氏欲至其  
成其文亦日野其取與字其日空之東許其

士貴公行述

士貴鄭公字爵一佳珩公長子也幼習農業卽經理家計家日以豐性孝友事父母色養無虧及卒喪葬盡禮凡所以附身附棺者必誠必信無後悔弟三人相愛敬無間言厥後析箸推多取少囊不私一錢公方壯歲精力過人耕水耨火率先作苦並無失時故其稼常倍收卽歲晚務閒亦不虛寸陰又甚節用自祭祀賓客外食不求甘美服不喜新華蓋有唐魏遺風焉六十五歲星孛爲災家不戒于火燬焉人多以不能復搆爲公慮公苦心經營卽鳩工庀材凡土木

之費若干瓦石之費若干隨時應給不致困乏越歲  
餘堂構聿新爲之慮者皆相顧稱羨謂出望外始知  
公之積累于勤儉中者深藏若虛也秉性醇樸行謹  
愿不矜才亦不欺人一語受人之侮置弗與校遇雀  
角無竭力勸解之歛接同輩語言呐呐如不出諸口  
卽見五尺童子無一戲言後生輩咸敬憚之今年近  
古稀尚矍鑠作息未嘗倦有勸以稍休者公以樂此  
不疲答之嘗誠其子曰勤儉實居家之本忠厚乃貽  
謀之基近見游手橫行之子破產蕩家爲當世笑貽  
羞於先人我所深嫉願汝曹勿效也德配祝氏皆健

序

序

在存心守家實有同志舉丈夫子五皆成立克繼父  
風孫三人已斲頭角其食報於公者正未有艾也晚  
近公之居又忝媼親故得知之悉今其家修族譜爰  
質以述之以爲後之守身保家者法焉

肯

嘉慶歲次己未季秋月

眷晚生王宇清拜撰



賢以數之以...  
 五公之...  
 風...  
 近...



士林鄭公傳


客謂孝友乃人之本分奚足傳吾謂孝友固人之本分以視不孝不友者而孝友足傳矣不孝不友者無可傳而不傳而能孝能友者有可傳而亦不傳將何以爲世人風客曰吾卽以斯語傳士林鄭公之行述公孝友人也自少失怙常抱終天之恨以不得孝養膝下爲戚戚每逢春秋祭享祝畢無不泣下沾襟事太君方孺人晨昏定省色養備至臨沒哀痛迫切五內皆裂幾不欲生者數四其於送死諸大事無不一當禮方長昆季析箸囊無私錢雖不同炊絕無爾

我之別玉昆金友人人歌壘簞焉孰意天道難知乾隆四十六年秋孛星爲災家遭回祿房屋器皿錢穀等物俱爲煨燼是時太君尚健在日夜號哭不止公直無可如何矣不得已售產復建始得寧居以慰太君願然家計漸落日用不副公則披星戴月犁雨鋤雲萬苦干辛始得衣食復充向之空乏者今且贏餘矣誰謂天道難知哉天之報施善人自不爽也公諱連貴字士林行天六十二東美公三子也配趙氏生一子曰錦如繼娶陳氏生一子曰乾如孫一名日煥迄今芝蘭玉樹翠竹碧梧英英纍纍融融摯摯家聲

印

印

日振寧非食孝友之報乎公之長君以公行述丐余  
傳余不得以不文辭爲聊述其梗概如此嘉慶四年  
重九前十日眷弟邑庠生徐大綱拜



南武館十日魯後已執定命火除我  
 猶余不辨以不文續源味飯其味味吸出嘉慶四年  
 日地海表食牛次次辦平公之身詳以公行選五



毓青東尚公傳

了山錢廷鴻以其外大父東尚公請余傳余曰素未  
謀面曷由道其生平鴻曰行畧稔知敢爲先生敬述  
之公鄭姓諱東尚字毓青振五十二公次子也居突  
頭頂其祖基在浦邑儀門儀門同居九世孝友甲於  
天下明太祖三至其地表其家曰江南第一公其苗  
裔也而孝友亦恪遵祖風初習儒業緣外太祖病愛  
親念篤功名之心淡矣遂棄舉子業而家務身任之  
弟一人亦教以讀學不成則以畊繼之晨昏之間嘗  
撫弟而言曰吾家非讀則畊儀門遺訓尚在汝慎持

之母怠迨後婚娶皆公經理所致析居亦毫無私蓄  
是以兄弟之間怡怡如也家不甚豐厚而性好施予  
勤儉之餘稍有資卒不拂困窮者所請歲甲寅東南  
有貿貿然來者問其故則以父死無棺告公出錢數  
貫并醜資以濟其急於斯時也惠亦厚矣而公無德  
色此孝友之餘而更足爲公窺一斑者也其生平如  
此而已余曰誠如是亦足傳矣夫何贅

德配趙氏孺人亦賢淑也舉丈夫子五長榮華次榮  
啓三榮範四榮儒五榮魁孫圮壩墀堦坤垞培公生  
於乾隆癸亥八月初一日子時卒於嘉慶甲子十一

印

印

月廿一日申時

皆

道光六年歲次丙戌律叶黃鐘上浣之吉

增廣生燧菴邊占熊拜撰



聖易部氏宗普...傳

端金





鏡塘榮華公傳

公鄭姓諱榮華天四十六公長子也世居魏塘突頭頂魏塘長闊數里許四面皆環以山公嘗釣遊其中因號曰鏡塘幼讀書稍長能文老成皆拭目俟之謂取功名如拾芥者必在斯人不數年其父東尚公病病且篤奄奄不起三閱月乃卒哀毀骨立而又以家務累之曰余不得爲功名中人也遂棄舉子業退以理家政家不逮中產食指又逾於八口當其時亦云艱矣公且勤復取乎儉越數年家計遂稍稍裕同胞弟四父沒時皆少始教之讀不讀則以畊督之及長

一一爲之婚娶謂一有或遺無以完父志也於是諸  
弟輩咸私相慶曰微伯兄不及此突頭頂遷自暨  
南門向無祀產公慨然曰吾族居此十餘世矣苟祀  
事之不供先人之餒有不同若敖乎爰醜資經營越  
數年置田若干畝俾春得<sup>秋</sup>以具舉生平不妄交其門  
無雜賓宛然謝諫遺風顧一遇正士輒相見恨晚不  
惜出肝胆相示然則親君君子遠小人於公其得之  
矣君子曰孝友大節也祭祀賓朋從孝友而上推旁  
及者也公皆一一無憾是誠得魏塘之靈而足儀型  
於一鄉者乎

市

市

德配石氏孺人羣稱賢淑舉丈夫子三長圮次墀幼  
培公生於乾隆癸巳年三月初二日子時卒於道光  
壬午年四月十六日辰時

皆

道光六年歲次丙戌冬至前三日

邑增生同山邊占熊拜撰



錦如公行述


人既不能操政柄以輔國亦必立功業以治家家之事敦孝友崇祀典葺宗譜爲最次則睦隣族善排解余今于邑南夾山里鄭公錦如者真足以表式鄉里也公性靈敏幼入家塾讀書過目成誦無何以家累癯學而力農課晴問雨播種不失其時收穫克倍其利而家業因以漸豐公生平躬行儉樸善事二人友愛兄弟以及春秋薦祭公于濡露履霜時每慮資薄用普選董事數人竭力經理越數載頗得贏息置田如干畝歷年享祀可稍豐殆公與有力也今丙戌歲

公愴懷譜牒上治祖禰旁治昆弟下治子孫敬宗收  
族之道莫大于此時人不修將無以序昭穆別長幼  
雖家耕織戶殷富庸得無怨恫于神明哉而公會同  
公議以爲一族倡不數月間宗譜以次告成公之上  
培本支下光奕葉者已可謂盡心矣而公好善之志  
不第此也與世人交如春風風人遇鄉隣雀角者不  
辭難不畏勞必和藹相勸以致忿平爭息此非公之  
行高一鄉足稱善人者耶余與公忝在親屬頗悉公  
行故不揣謏而陋述其畧如左

昔

道光六年歲次丙戌律叶 全浣之吉


眷弟郡庠生王鏞謹撰





皇陽真氏宗譜

卷首



捐資輯譜記

吾族斯譜自雍正辛亥一錄迄今已三十餘年矣惟

恐世遠年湮而失墜不一通族商議科丁糾費共

銀三十餘兩宗譜又缺費用不得一竣司事者之戚

戚而謀之於族中殷實輩勸各捐已資以全完祖德


今斯譜告成者居殷實之力歟承善繼善述之報而

克昌厥後之未艾也計載捐資輩於左

佳璇 士芳

佳璣 兆法

宏舒 士鰲



宏基 士貴

巨公 子純德

宏達

貴長

乾隆己丑年臘月全浣之吉

二十三世孫佳璇識



序

